

新加坡圖書館藏







國立浙江大學

圖書館

藏

115535






白氏文集卷第三十四

律詩

五首



文才林司徒令公分守東洛移鎮北都一心勤王三

賞琴結報月成政形容盛德實在歌詩况辱知音敢

會冬想不先唱輒奉五言四十韻寄獻以抒下情

天上中台正人間一品高中書令上應中休明值堯

勲業過蕭曹始擅文三捷進士及第博學終兼武六

韜動人名赫赫憂國意忉忉盪蔡擒封豕吳元平齊

斬巨鼉李師道也兩河收土宇四海定波濤寵重移宮籥

授自夷蘇留守恩新換閭旄保釐東宅靜周公召公宅守

護北門牢晉國封疆闊并州士馬豪胡兵驚赤幟邊

鴈避烏號令下流如水仁霑澤似膏路喧歌五袴軍

醉感單醪將校森貌武實僚儼雋髦客無煩夜折吏

不犯秋毫神在臺駘助魂亡獫狁逃德星銷彗孛霖

雨滅腥臊烽戍高臨代關河遠控洮汾雲晴漠漠朔

吹冷颼颼豹尾交衙戟蚪鬚捧佩刀通天白犀帶照

地紫麟袍羗管吹楊柳燕姬酌蒲萄蒲萄酒出太原銀含鑿

落盞金屑琵琶槽遙想從軍樂應忘報國勞紫微留

北闕中書令即紫微令也綠野寄東臯綠野堂在東忽憶前時

會多慙下客叨清宵陪讌話美景從遊遨花月還同

賞琴詩雅自操朱絃拂宮徵洪筆振風騷近竹開方

丈依林架桔槔春池八九曲畫舫兩三艘徑滑苔粘

屐潭深水沒篙綠絲縈岸柳紅粉映樓桃皆午橋莊中佳境

為謔先陳醴居易每十齊日在會常招劉共籍糟劉

得
每
卷
全
有
是
次
項
工
亦
皆
曲
自
成
也
意
又
能
為
用
子
一
一

得也舞鬟金翡翠歌頸玉蟾螭盛德終難過明時豈易

遭公雖慕張范張良范蠡帝未捨伊臯眷戀心方結踟躕

首已搔鸞凰上寒廓燕雀住蓬蒿欲獻文狂簡徒煩

思鬱陶可憐四百字輕重抵鴻毛

和東川楊慕巢尚書府中獨坐感戚在懷見

寄十四韻

慕巢感戚處州弟喪逝感已之榮盛有歸洛之意故叙而和之

也

我是知君者君今意若何窮通時不定苦樂事相和

東蜀歡殊渥西江歎逝波只緣榮貴極翻使感傷多

行斷風驚鴈

慕巢及楊九揚十前年來兄弟三人各在一處

年浸日下坡片

心休慄戚雙鬢已蹉跎紫綬黃金印青幢白玉珂老

將榮補貼愁用道銷磨外府饒盃酒中堂有綺羅應

須引滿飲何不放狂歌錦水通巴峽香山對洛河將
軍馳鉄馬少傳步銅駝深契憐松竹高情憶薜蘿懸
車年甚遠未敢故相過

分司洛中多暇數與諸客宴遊醉後狂吟偶

成十韻因招夢得賓客兼呈思黯竒章公

性與時相遠身將世兩忘寄名朝士籍寓興少年場
老豈無談笑貧猶有酒漿隨時求伴侶逐日用風光
數數遊何爽些些病未妨天教榮啓樂人恕接輿狂
改業爲逋客移家住醉鄉不論招夢得兼擬誘竒章
要路風波險權門市井忙世間無可戀不是不思量
小歲日喜談氏外孫女孩滿月
今日夫妻喜他人豈得知自嗟生女晚敢訝見孫遲

物以稀為貴情因老更慈新年逢吉日滿月乞名時
桂燎熏花果蘭湯洗玉肌懷中有可抱何必是男兒

閒吟贈皇甫郎中親家翁

新與皇甫結姻

誰能嗟嘆光陰暮豈復憂愁活計貧忽忽不知頭上
事時時猶憶眼中人早為良友非交勢晚接嘉姻不
失親竅喜兩家婚嫁畢一時抽得尚平身

夢得臥病攜酒相尋先以此寄

病來知少客誰可以為娛日晏開門未秋寒有酒無
自宜相慰問何必待招呼小疾無妨飲還須挈一壺

訓思黯戲贈

同用狂字

鍾乳三千兩金釵十二行妬他心似火欺我髮如霜

思黯自誇前後服鍾乳三千兩甚得力而慰老資歌
歌舞之妓頗多來詩潛予羸老故戲答之

笑銷愁仰酒漿眼看狂不得狂得且須狂

又戲荅絕句

來句云不是道公狂不
得恨公逢我不教狂

狂夫與我世相忘故態些些亦不妨縱酒放歌聊自
樂接輿爭解教人狂

令狐相公與夢得交情素深眷予分亦不淺

一聞薨逝相顧泫然旋有使來得前月未

歿之前數日書及詩寄贈夢得哀吟悲歎

寄情於詩詩成示予感而繼和

緘題重疊語殷勤存歿交親自此分前月使來猶理

命今朝詩到是遺文銀鈎見晚書無報玉樹埋深哭

不聞寂感一行絕筆字尚言千萬樂天君

令狐與夢
得手札後

云見樂天君為
伸千萬之誠也

洛下雪中頻與劉李二賓客宴集因寄汴州

李尚書

水南水北總紛紛雪裏歡遊莫厭頻
日日暗來唯老病年年少去是交親
碧氈帳暖梅花濕紅燎爐香竹
葉春今日鄒枚俱在洛梁園置酒召何人

看夢得題答李侍郎詩詩中有文星之句因

戲和之

看題錦繡報瓊環俱是人天第一才好遣文星守躔
次亦須防有客星來

閒適

祿俸優饒官不卑就中間適是分司風光暖助遊人
處雨雪寒供飲宴時肥馬輕裘還且有麤歌薄酒亦

相隨微躬所要今皆得只是蹉跎得校遲

戲荅思黯

思黯有能箏者以此戲之

何時得見十三絃待取無雲有月天願得金波明似鏡鏡中照出月中仙

訓裴令公贈馬相戲

裴詩云君若有心求逸足我還留意在名姝蓋

引辛換馬戲意亦有所屬也

安石風流無奈何欲將赤驥換青娥不辭便送東山去臨老何人與唱歌

新歲贈夢得

暮齒忽將及同心私自憐漸衰宜減食已喜更加年紫綬行聯被籃輦出比肩與君同甲子歲酒合誰先

早春持齋荅皇甫十見贈

正月精和風氣新紛紛已有醉遊人帝成花突長齋

正月晴和風氣新紛紛已有醉遊人帝城花笑長齋
客三十年來負早春

戲贈夢得兼呈思黯

霜髮莫欺今老矣

傳曰今老矣無能為也

一盃莫笑便陶然陳

郎中處為高戶裴使君前作少年

陳商郎中酒戶消滴裴治使君年九

十顧我狂多自哂與君同病取相憐月終齋滿誰開
素湏擬竒章置一筵

早春憶遊思黯南莊因寄長句

南莊勝處心常憶借問軒車早晚遊美景難忘竹廊
下好風爭奈柳橋頭冰消見水多於地雪霽看山盡
入樓若待春深始同賞鶯殘花落却堪愁

詠皇甫十早春對雪見贈

漢漢復雰雰東風散玉塵明催竹窓曉寒退柳園春
綠醞香堪憶紅爐暖可親忍心三兩日莫作破齋人
奉和思黯自題南莊見示兼呈夢得

謝家別墅寂新竒山展屏風花夾籬曉月漸沉橋脚
底晨光初照屋梁時臺頭有酒鶯呼客水面無塵風
洗池除却吟詩病間客此中情狀更誰知

送蘄春李十九使君赴郡

可憐官職好文詞五十專城未是遲曉日鏡前無白
髮春風門外有紅旗郡中何處堪携酒席上誰人解
和詩唯共交親開口笑知君不及洛陽時

自題酒庫

野鶴一辭籠虛舟長任風送愁還開處移老入閒中

野鶴一辭籠虛舟長任風送愁還開處移老入間中

身更求何事天將富此翁此翁何處富酒庫不曾空

劉仁軌詩云天將富此翁以一醉為富也

寒食日寄楊東川

不知楊六逢寒食作底歡娛過此辰
堯率寺高宜望月嘉陵江近好遊春
蠻旗似火行隨馬蜀妓如花坐
遶身不使黔婁夫婦看誇張富貴向何人

醉後聽唱桂花曲

詩云遙知上天桂華孤問嫦娥更有無月中幸有

間田地何不中央種兩株此切曉輒感人故云爾

桂華詞意苦丁寧唱到嫦娥醉便醒
此是人間腸斷

曲莫教不得意人聽

訓夢得以予五月長齋延僧徒絕賓友見戲

十韻

賓客懶逢迎，脩然池館清。
簷閒空鷺語，林靜未蟬鳴。
葷血還休食，盃觴亦罷傾。
三春多放逸，五月暫脩行。
香印朝烟細，紗燈夕焰明。
交遊諸長老，師事古先生。
竺乾古先生也禪後心彌寂，齋來體更輕。
不唯忘肉味，兼擬滅風情。
蒙以聲聞待，難將戲論爭。
虛空若有佛，靈運恐先成。

奉和裴令公三月上巳日遊太原龍泉憶去

歲禊洛見示之作 依來體雜言

去歲暮春上巳共泛洛水中，
流今歲暮春上巳獨立香山下。
頭風光閒寂寂，旌旆遠悠悠。
丞相府歸晉國，太行山礙并州。
鵬背負天龜曳尾，雲泥不可得同遊。
又和令公新開龍泉晉水二池

舊有潢汚泊今為白水塘

詩云方塘
含白水

笙歌聞四面

閣在中央春變烟波色晴添樹木光龍泉信為美莫

忘午橋莊

早夏曉興贈夢得

窓明簾薄透朝光臥整巾簪起下牀背壁燈殘經宿
烟開箱衣帶隔年香無情亦任他春去不醉爭銷得
晝長一部清商一壺酒與君明日暖新堂

春日題乾元寺上方最高峯亭

危亭絕頂四無鄰見盡三千世界春但覺虛空無障
礙不知高下幾由旬迴看官路三條線却望都城一
片塵賓客暫遊無半日王侯不到便終身始知天造
空閒境不為忙人富貴人

奉和思黯相公以李蘇州所寄太湖石奇狀

絕倫因題二十韻見示兼呈夢得

錯落復崔嵬蒼然玉一堆峯駢仙掌出罅坼劒門開
 峭頂高危矣盤根下壯哉精神欺竹樹氣色壓亭臺
 隱起磷磷狀疑成瑟瑟胚廉稜露鋒刃清越扣瓊瑰
 岌業形將動巍峩勢欲摧奇應潛鬼怪靈合蓄雲雷
 黛潤霑新雨班明點古苔未曾棲鳥雀不肯染塵埃
 尖削琅玕笋窪剜瑪瑙壘海神移碣石盡障簇天台
 在世為尤物如人負逸才渡江一葦載入洛五丁推
 出處雖無意升沉亦有媒媒為李蘇州拔從水府底置向
 相庭隈對稱吟詩句看宜把酒盃終隨金礪用不學
 玉山頽踈傳心偏愛園公眼屢迴共嗟無此分虛管

大明來 居易與夢 歌俱與

太湖來

居易與夢歌俱與
姑蘇而不獲此石

奉和思黯相公雨後林園四韻見示

新晴夏景好復此池邊地烟樹綠含滋水風清有味
便成林下隱都忘門前事騎吏引歸軒始知身富貴
晚夏間居絕無賓客欲尋夢得先寄此詩

魚笏朝飡飽蕉紗暑服輕欲為窓下寢先傍水邊行
晴引鶴雙舞秋生蟬一聲無人解相訪有酒共誰傾
老更諳時事閒多見物情只因劉與白二叟自相迎

寄李蘄州

下車書奏龔黃課動筆詩傳鮑謝風江郡謳謠誇杜
母洛城歡會憶車公笛愁春盡梅花裏簾冷秋生薤
葉中

蘄州出好笛
并薤葉簾

不道蘄州歌酒少使君難稱與誰

同

憶江南詞三首

此曲亦名謝秋娘每首五句

江南好風景舊曾諳日出江花紅勝火春來江水綠如藍能不憶江南

二

江南憶最憶是杭州山寺月中尋桂子郡亭枕上看潮頭何日更重遊

三

江南憶其次憶吳宮吳酒一盃春竹葉吳娃雙舞醉芙蓉早晚復相逢

酬思黯相公晚夏雨後感秋見贈

暮來朝去無歇期炎涼暗向雨中移夜長祇合愁人

覺秋冷先應瘦客知兩幅彩箋揮逸翰一聲寒玉振
清辭無憂無病身榮貴何故沉吟亦感時

夕雨閒悶對酒偶吟

淒淒苦雨暗銅駝娟娟涼風起漕河自夏及秋晴日
少從朝至暮悶時多鷺臨池立窺魚笱隼傍林飛拂
雀羅賴有盃中神聖物百憂無柰十分何

雨後秋涼

夜來秋雨後秋氣颯然新團扇先辭手生衣不著身
更添砧引思難與簾相親此境誰偏覺貧開老瘦人
酬夢得早秋夜對月見寄

吾衰寡情趣君病懶經過其柰西樓上新秋明月何
庭蕪淒白露池色澹金波况是初長夜東城砧杵多

題謝公東山障子

賢愚共在浮生內，貴賤同趨群動間。
多見忙時已衰病，少聞健日肯休閒。
鷹飢受緤從難退，鶴老乘軒亦不還。
唯有風流謝安石，拂衣携妓入東山。

謝楊東川寄衣服

年年衰老交遊少，處處蕭條書信稀。
唯有巢兄不相忘，春茶未斷寄秋衣。

懷詠寄皇甫朗之

老大多情足往還，招僧待客夜開關。
學調氣後衰中健，不用心來鬧處閒。
養病未能辭薄俸，忘名何必入深山。
與君別有相知分，同置身於木鴈間。

東城晚歸

一條印杖懸龜榼，雙角吳童控馬銜。
晚入東城催進歲，

東城晚歸
一條邛杖懸龜榼雙角吳童控馬銜晚入東城誰識
我短靴低帽白蕉衫

與夢得沽酒閒飲且約後期

少時猶不憂生計老後誰能惜酒錢共把十千沽一
斗相看七十欠三年閒徵雅令窮經史醉聽清吟勝
管絃更待菊黃家醞熟共君一醉一陶然

與牛家妓樂雨夜合宴

玉管清絃聲旖旎翠釵紅袖坐叅差兩家合奏洞房
夜八月連陰秋雨時歌臉有情疑睇久舞腰無力轉
裙遲人間歡樂無過此上界西方即不知

和楊六尚書喜兩弟漢公轉吳興魯士賜章

服命賓開宴用慶恩榮賦長句見示

華筵賀客日紛紛
劍外歡娛洛下聞
朱紱寵光新照地
彤檐喜氣遠凌雲
榮聯花萼詩難和
樂助埴篔酒易醺
感羨料應知我意
今生此事不如君

自詠

鬚白面微紅
醺醺半醉中
百年隨手過
萬事轉頭空
臥疾瘦居士
行歌狂老翁
仍聞好事者
將我畫屏風
夢得相過援琴命
酒因彈秋思
偶詠所懷兼

寄繼之待價二相府

閒居靜侶偶相招
小飲初酣琴欲調
我正風前弄秋思
君應天上聽雲韶
雲韶雅曲上多時和始見陶鈞與宰相同聽之
力物遂方知盛聖
朝雙鳳棲梧魚在藻
飛沉隨分各

逍遙

九月八日酬皇甫十見贈

君方對酒綴詩章
我正持齋坐道場
處處追遊雖不
去時時吟詠亦無妨
霜蓬舊髮三分白
白露菊新花一
半黃
惆悵東籬不同醉
陶家明日是重陽

慕巢尚書書云
室人欲爲置一歌者
非所安也
以詩相報因而和之

東川已過二三春
南國須求一兩人
富貴大都多老大
歡娛大半爲親賓
如愁翠黛應堪重
買笑黃金莫訴貧
他日相逢一盃酒
樽前還要落梁塵

杪秋獨夜

無限少年非我伴
可憐清夜與誰同
歡娛牢落中心
少親故
凋零四面空
紅葉樹飄風起後
白鬚人立月

明中前頭更有蕭條物老菊衰蘭三兩叢

憑李睦州訪徐疑山人之疑即睦州也

郡守輕詩客鄉人薄釣翁解憐徐處士唯有李郎中

蘇州故吏

江南故吏別來久今日池邊識我無不獨使君頭似

雪華亭鶴死白蓮枯蓮鶴皆蘇州同來

得揚湖州書頗誇撫民接賓縱酒題詩因以

絕句戲之

豈獨愛民兼愛客不唯能飲又能文白蘋洲上春傳

語柳使君輸楊使君

天官閣秋晴晚望

洛城秋霽後梵閣暮登時此日風烟好今秋節候遲

霞光紅泛艷樹影碧參差莫慮言歸晚半家宿宿明

霞光紅泛艷樹影碧參差莫慮言歸晚牛家有宿期
酬夢得暮秋晴夜對月相憶

露月光如練盈庭復滿池秋深無熱後夜淺未寒時
露葉團荒菊風枝落病黎相思懶相訪應是各年衰
同夢得和思黯見贈來詩中先敘三人同讌
之歡次有歎髮髮漸衰嫌孫子催老之意
因酬妍唱兼吟鄙懷

醉伴騰騰白與劉何朝何夕不同遊留連燈下明猶
飲漸送樽前倒即休催老莫嫌孫稚長加年須喜髮
毛秋教他伯道爭存活無子無孫亦白頭

聽歌

管妙絃清歌入雲老人合眼醉醺醺誠知不及當年

聽猶覺聞時勝不聞

三年冬隨事鋪設小堂寢處稍似穩暖因念
衰病偶吟所懷

小室非全陋中堂不甚卑聊堪會親族足以貯妻兒
暖帳迎冬設溫爐向夜施裘新青兔褐褥軟白猿皮
似鹿眠深草如雞宿穩枝逐身安枕席隨事有屏帷
病致衰殘早貧營活計遲由來蠶老後方是蠶成時
初冬即事呈夢得

青氈帳暖喜微雪紅地爐深宜早寒走筆小詩能和
否潑醅新酒試嘗看僧來乞食因留宿客到開樽便
共歡臨老交親愛落盡希君恕我取人寬

自罷河南已換七尹每一入府長然舊意因

宿內廳偶題西壁兼呈韋尹常侍

每日河南府依然自到家盃嘗七尹酒

七君酒味不
同商嘗之矣

樹看十年花

即府中
新菓園

且健須歡喜雖衰莫歎嗟迎門

無故吏侍坐有新娃暖閣謀宵宴寒庭放晚衙主人

留宿定一任夕陽斜

天寒晚起引酌詠懷寄許州王尚書汝州李

常侍

葉覆冰池雪滿山日高慵起未開關寒來更亦無過

醉老後何由可得閒四海故交唯許汝十年貧健是

樊蠻相思莫忘櫻桃會一放狂歌一破顏

櫻花時數
與許汝二

君歡會
甚樂

四年春

柳梢薰嫩草芽新又入開成第四春近日放慵多不出少年嫌老可相親分司吉傳頻過舍致仕崔卿擬卜鄰時輩推遷年事到往還多是白頭人

白髮

白髮生來三十年而今鬚鬢盡皤然歌吟終日如狂叟衰疾多時似瘦仙八戒夜持香火印三光朝念藥珠篇其餘便被春收拾不作閒遊卽醉眠

追歡偶作

追歡逐樂少閒時補貼平生得事遲何處花開曾後看誰家酒熟不先知石樓月下吹蘆管金谷風前舞柳枝十聽春啼變鸞舌三嫌老醜換蛾眉樂天一過難知分猶自咨嗟兩鬢絲

蘆管柳枝已下皆十年來洛中之事

公垂尚書以白馬見寄光潔穩善以詩謝之
翩翩白馬稱金羈領綴銀花尾曳絲毛色鮮明人盡
愛性靈馴善主偏知免將妾換慙來處試使奴牽欲
止時不蹶不驚行步穩宜山簡醉中騎

西樓獨立

身著白衣頭似雪時時醉立小樓中路人迴顧應相
怪十一年來見此翁

書事詠懷

官俸將生計雖貧豈敢嫌金多輸陸賈酒足勝陶潛

陶潛詩云常苦酒不足床暖僧敷坐樓晴妓卷簾日遭齋破用

每月常持十齋春賴閨加添是年閏正月也老向歡彌切狂於飲不

廉十年間未足亦恐涉無厭

酬夢得此萱草見贈

來篇云唯君比萱草相見可忘憂

杜康能散悶萱草解忘憂借問萱逢杜何如白見劉
老衰勝少天間樂笑忙愁試問同年内何人得白劉

問皇甫十

苦樂心由我窮通命任他坐傾張翰酒行唱接輿歌
榮盛傍看好優閒自適多知君能斷事勝負兩如何

早春獨登天官閣

天宮日暖閣門開獨上迎春飲一盃無限遊人遙怪
我緣何最老最先來

送蘇州李使君赴郡二絕句

憶拋印綬辭吳郡衰病當時已有餘今日賀君兼自

喜八迴看換舊銅魚

予自罷蘇州及茲換入刺史也

館娃宮深春日長館娃宮今靈岩寺也烏鵲橋高秋夜涼烏鵲橋在

蘇州南門風月不知人世變奉君直似奉吳王

長洲曲新詞

茂苑綺羅佳麗地女湖桃李艷陽時心奴已死胡容老後輩風流是阿誰

白氏文集卷第三十四

杜康能散悶 意享... 右表勝少天... 何人得自創

白刃文集卷三十四

夫對輦風帝

夫拔齋羅

夫綠何是... 夫... 夫...

南門 風民不吹入 出變泰 直刈春其王

會致宮采春日身

靈若非... 高... 蘇... 蘇...



白氏文集卷第三十五

律詩

一百首
并序

開成已未歲余蒲柳之年六十有八冬十月甲寅旦
始得風痺之疾體癢目眩左足不支蓋老病相乘時
而至耳余早棲心釋梵浪跡老莊因疾觀身果有所
得何則外形骸而內忘憂志先禪觀而後順鑿治旬
月以還厥疾少間杜門高枕澹然安閒吟諷興來亦
不能遏因成十五首題為病中詩且貽所知兼用自
廣昔劉公幹病漳浦謝康樂臥臨川咸有篇章杼詠
其志今引而序之者慮不知我者或加誚焉

初病風

六十八衰翁乘衰百疾攻朽株難免蠹空穴易來風

肘痺宜生柳頭旋劇轉蓬恬然不動處虛白在胷中

枕上作

風疾侵凌臨老頭血凝筋滯不調柔甘從此後支離
臥賴是從前爛熳遊迴思往事紛如夢轉覺餘生杳
若浮浩氣自能充靜室驚飈何必蕩虛舟腹空先進
松花酒膝冷重裝桂布裘若問樂天憂病否樂天知
命了無憂

荅問上人來問因何風疾

一床方丈向陽開勞動文殊問疾來欲界凡夫何足

道四禪天始免風灾

色界四天初禪具三灾一禪無
火灾三禪無水灾四禪無風灾

病中五絕

世間生老病相隨此事心中久自知今日行年將七

十猶須慙愧病來遲

十猶須慙愧病來遲

方寸成灰髮作絲假如強健亦何為家無憂累身無事正是安閒好病時

李君墓上松應拱元相池頭竹盡枯多幸樂天今始

病不知合要苦治無李元皆予執友也杓直少予八歲即世已九年微之少予七年

薨已八年矣今予始病得非幸乎

四

目昏思寢即安眠足軟妨行便坐禪身作醫王心是藥不勞和扁到門前

五

交親不要苦相憂，亦擬時時強出遊。但有心情何用脚，陸乘肩輿水乘舟。

送嵩客

登山臨水分無期，泉石烟霞今屬誰。君到嵩陽吟此句，與交三十六峯知。

罷灸

病身佛說將何喻，變滅湏臾豈不聞。莫遣淨名知我笑，休將火灸浮雲。維摩經云：是身如浮雲，湏臾變滅也。

賣駱馬

五年花下醉騎行，臨賣迴頭嘶一聲。項籍顧騅猶解歎，樂天別駱豈無情。

別柳枝

兩枝楊柳小樓中，嫋娜多年半醉翁。明日放歸歸去

兩枝楊柳小樓中
嫋娜多年伴醉翁
明日放歸歸去後
世間應不要春風

就煖偶酌戲諸詩酒舊侶

低屏軟褥臥藤床
昇向前軒就日陽
一足任他為外物
三盃自要沃中腸
頭風若見詩應愈
齒折仍誇笑不妨
細酌徐吟猶得在
舊遊未必便相忘

歲暮呈思黯相公皇甫朗之及夢得尚書

歲暮皤然一老夫
十分流輩九分無
莫嫌身病人扶侍
猶勝無身可遣扶

自解

房傳往世為禪客

世傳房太尉前生為禪僧與婁師德友善慕其為人故今生有婁之

遺風也

王道前生應畫師

王右丞相詩云宿世是詞客前身應畫師

王亦定

中觀宿命多生債負是歌詩不然何故狂吟詠病後

多於未病時已上病中

十五首

歲暮病懷贈夢得

時與夢得同患足疾

十年四海故交親零落唯殘兩病身共遣數音從是

命同教步蹇有何因眼隨老減嫌長夜體待陽舒望

早春新樂堂前舊池上相過亦不要他人

雪後過集賢裴令公舊宅有感

梁王捐館後枚叟過門時有淚人還泣無情雪不知

臺亭留盡在賓客散何之唯有蕭條鴈時來下故池

酬夢得貧居詠懷見贈

歲陰生計兩蹉跎相顧悠悠醉且歌厨冷難留鳥止

屋詩云瞻鳥爰止于淮之屋言鳥多止富家之屋也

門間可與雀張羅病添

壯鳥吟聲苦貧欠韓康藥責多日望軍金賀新命

莊舄吟聲苦貧欠韓康藥債多日望揮金賀新命來

云若有金揮勝二疎俸錢依舊又如何時夢得羅賓客除祿監祿俸略同故云

酬夢得見喜疾瘳

暖卧摩綿褥晨傾藥酒螺昏昏布裘底病醉睡相和

末疾徒示爾傳云風淫末疾未謂四肢餘年有幾何須知差與否

相去校無多

夜聞箏中彈瀟湘送神曲感舊

縹緲巫山女歸來七八年殷勤湘水曲留在十三絃

苦調吟還出深情咽不傳萬重雲水思今夜月明前

感蘇州舊舫

畫梁朽折紅窓破獨立池邊盡日看守得蘇州船舫

爛此身爭合不衰殘

感舊石上字

閒撥船行尋舊池幽情往事復誰知太湖石上鐫三字十五年前陳結之

見敏中初到邠寧秋日登城樓詩詩中頗多

鄉思因以寄和

從殿中侍御史出副邠寧

想爾到邊頭蕭條正值秋二年貧御史八月古邠州
絲管聞雖樂風沙見亦愁望鄉心若苦不用數登樓

齋戒

每因齋戒斷葷腥漸覺塵勞染愛輕六賊定知無氣
色三口應恨少恩情酒魔降伏終須盡詩債填還亦
欲平從此始堪為弟子竺乾師是古先生

戲禮經老僧

香火一爐燈一盞白頭夜裡佛名經何年飲着聲聞

戲禮經老僧
香火一爐燈一盞白頭夜裡佛名經何年飲着聲聞
酒直到如今醉未醒

近見慕巢尚書詩中屢有歎老思退之意又
於洛下新置郊居然寵寄方深歸心大速
因以長句戲而諭之

近見詩中歎白鬚遙知閫外憶東都烟霞偷眼窺來
久富貴粘身擺得無新置林園猶濩落未終婚嫁且
踟躕應湏待到懸車歲然後東歸伴老夫

對鏡偶吟贈張道士抱元

閒來對鏡自思量年貌衰殘分所當白髮萬莖何所
怪丹砂一粒不曾嘗眼昏久被書料理肺渴多因酒
損傷今日逢師雖已晚枕中治老有何方

病入新正

枕上驚新歲花前念舊歡是身老所逼非意病相干
風月情猶在盃觴興漸闌便休心未伏更試一春看

臥疾來早晚

臥疾來早晚懸懸將十旬婢能尋藥草犬不吠醫人
酒甕全生醖歌筵半委塵風光還欲好爭向枕前春

強起迎春戲寄思黯

杖策人扶廢病身暗和強起一迎春他時蹇跛縱行
得笑殺平原樓上人

夢得前所酬篇有鍊盡美少年之句因思往

事兼詠今懷重以長句荅之

鍊盡少年成白首憶初相識到今朝昔饒春長先

折今伴寒松取後凋

昔登科弟夢得多居先
今同暮年洛下為老伴

生事縱

貧猶可過風情雖老未全銷聲華寵命人皆得若箇

如君歷七朝

夢得真元中及
今凡仕七朝也

病後寒食

故紗絳帳舊青氈藥酒醺醺引醉眠抖擻弊袍春晚
後摩挲病脚日陽前行無筋力尋山水坐少精神聽
管絃拋擲風光負寒食曾來未省似今年

老病相仍以詩自解

榮枯憂喜與彭殤都似人間戲一場虫臂鼠肝猶不
怪雞膚鶴髮復何傷昨因風發昔長往今遇陽和又
小康還仙遠行裝束了遲迴且住亦何妨

皇甫郎中親家翁赴任絳州宴送出城贈別

慕賢入室交先定結援通家好復成新婦不嫌貧活
計嬌孫同慰老心情洛橋歌酒今朝散絳路風烟幾
日行欲識離羣相戀意為君扶病出都城

春暖

風痺宜和暖春來脚校輕鷲留花下立鶴引水邊行
髮少嫌巾重顏衰訝鏡明不論親與故自亦昧平生

殘春晚起伴客笑談

掩戶下簾朝睡足一聲黃鳥報殘春披衣岸幘日高
起兩角青衣扶老身策杖強行過里巷引盃間酌伴
親賓莫言病後妨談笑猶恐多於不病人

送唐州崔使君侍親赴任

連持使節歷專城獨賀崔侯宦慶榮烏府一拋霜簡

去朱輪四從板輿行

崔郎中從殿中連典四郡皆侍親赴任

發時正許

沙鷗送到日方乘竹馬迎唯慮郡齋賓友少數盃春

酒共誰傾

春晚詠懷贈皇甫朗之

艷陽時節又蹉跎遲暮光陰復若何一歲中分春日少百年通計老時多多中更被愁牽引少裏兼遭病折磨賴有銷憂治悶藥君家濃耐我狂歌

春盡日宴罷感事獨吟

開成五年三月三十日作

五年三月今朝盡客散筵空獨掩扉病共樂天相伴住春隨樊子一時歸聞聽鷺語移時立思逐楊花觸處飛金帶縋腰衫委地年年衰瘦不勝衣

病中辱崔宣城長句見寄兼有舫綺之贈因

以四韻忽而訓之

劉楨病發經春臥謝眺詩來盡日吟三道舊誇收片

玉

昔予考制策
崔君登科也

一章新喜獲双金信題霞綺絨情重

酒試銀觥表分深科第門生滿霄漢歲寒少得似君

心

前有別楊柳枝絕句夢得繼和云春盡絮飛

留不得隨風好去落誰家又復戲荅

柳老春深日又斜任他飛向別人家誰能更學孩童

戲尋逐春風捉柳花

池上早夏

水積春塘晚陰交夏木繁舟船如野渡籬落似江村
靜拂琴床席香開酒庫門慵閒無一事時弄小嬌孫

談氏外孫生三日喜是男偶吟詩篇兼戲呈

夢得

玉芽珠顆小男兒羅薦蘭湯浴罷時
芣苢春來盈女手梧桐老去長孫枝
慶傳媒氏驚先賀喜報談家鳥
預知明日貧翁具雞黍應湏訓賽引鸕鷀詩

前年談氏外孫女初

生夢得有賀詩云從此引鸕鷀
今幸是男前言似有徵故云

開成太行皇帝挽歌詞四首奉勅撰進

御宇恢皇化傳家叶至公
華夷臣妾內堯舜弟兄中
制度移民俗文章變國風
開成與貞觀實錄事多同

二

晏駕辭雙闕靈儀出九衢
上雲歸碧落下席葬蒼梧
莫晚餘堯曆龜新啓夏圖
三朝聯棣萼從古帝王無

三

嚴恭七月禮哀慟萬人心地感勝秋氣天愁結夕陰
鼎湖龍漸遠濛汜日初沉唯有雲韶樂長留治世音

四

化成同軌表清平恩結連枝感聖明帝與九齡雖吉
夢山呼萬歲是虛聲月低儀杖辭蘭路風引笳簫入
栢成老病龍髯攀不及東周退傅寂傷清

時熱少客因詠所懷

冠櫛心多懶逢迎興漸微况當時甚熱幸遇客來稀
濕灑池邊地涼開竹下扉露床青篾簟風架白蕉衣
院靜留僧宿樓空放妓歸衰殘強歡宴此事久知非
宣州崔大夫閣老忽以近詩數十首見示吟

諷之下竊有所喜因成長句寄題郡齋

謝玄暉歿吟聲寢郡閣寥寥筆硯間無復新詩題壁

上虛教遠岫列窓間

謝宣城郡內詩云窓中列遠岫

忽驚歌雪今朝

至必恐文星昨夜還再喜宣城章句動飛觴遙賀敬

亭山

謝又有題敬亭山詩並見文選中

足疾

足疾無加亦不瘳綿春歷夏復經秋開顏且酌樽中
酒代步多乘池上舟幸有眼前衣食在兼無身後子
孫憂應湏學取陶彭澤但委心形任去留

晚池汎舟遇景成詠贈呂處士

岸淺橋平池面寬飄然輕棹汎澄瀾風宜扇引開懷
入樹愛舟行仰臥看別境客稀知不易能詩人少詠

應難唯憐呂叟時相伴同把磻溪舊釣竿

夢微之

夜來攜手夢同遊晨起盈巾淚莫收漳浦老身三度

病成陽宿草八迴秋君埋泉下泥銷骨我寄人間雪

滿頭阿衛韓郎相次去夜臺茫昧得知不

阿衛微之男韓郎

微之受婚

感秋詠意

炎涼遷次速如飛又脫生衣著熟衣遶壁暗蛩無限

思戀巢寒鷺未能歸須知流輩年年失莫歎衰容日

日非舊語相傳聊自慰世間七十老人稀

老病幽獨偶吟所懷

眼漸昏昏耳漸聾滿頭霜雪半身風已將心出浮雲

小維摩經云是普寄形於世衣巾為衣罷來實屬月

外

維摩經云是身如浮雲也

猶寄形於逆旅中鶻詠罷來賓閣閉

笙歌散後妓房空世緣俗念消除盡別是人間清淨

翁

和揚尚書罷相後夏日遊永安水亭兼招本

曹楊侍郎同行

道行無喜退無憂舒卷如雲得自由良冶動時為哲

匠巨川濟了作虛舟竹亭陰合偏宜夏水檻風涼不

待秋遙愛翩翩雙紫鳳入同官署出同遊

在家出家

衣食支吾婚嫁畢從今家事不相仍夜眠身是投林

鳥朝飯心同乞食僧清唳數聲松下鶴寒光一點竹

間燈中宵入定跏趺坐女喚妻呼多不應

夜涼

露白風清庭戶涼
老人先著夾衣裳
舞腰歌袖拋何處
唯對無絃琴一張

繼之尚書自余病來寄遺非一又蒙覽醉吟

先生傳題詩以美之今以此篇用伸酬謝

衰殘與世日相踈
惠好唯君分有餘
茶藥贈多因病

久衣裳寄早及寒初

所寄贈之物皆及時

交情鄭重金相似詩

韻清鏘玉不如醉
傳狂言人盡笑
獨知我者是尚書

五年秋病後獨宿香山寺三絕句

經年不到龍門寺
今夜何人知我情
還向暢師房裏

宿新秋月色舊灘聲

飲徒歌伴今何在
雨散雲飛盡不迴
從此香山風月
夜祇應長是一身來

三

石盆泉畔石樓頭
十二年來晝夜遊
更過今年年七十
假如無病亦宜休

題香山新經堂招僧

烟滿秋堂月滿庭
香花漠漠磬泠泠
誰能來此尋真諦
白老新開一藏經

偶題鄧翁

公即給事中班之子也
貧老病退居此村

偶因携酒尋村客
聊復迴車訪薜蘿
且值雪寒相慰問
不妨春暖更經過
翁居山下年空老
我得人間事校多
一種共翁頭似雪
翁無衣食自如何

早入皇城贈王留守僕射

津橋殘月曉沉沉風露淒涼禁署深
城柳宮槐謾搖落悲愁不到貴人心

寄題廬山舊草堂兼呈二林寺道侶

三十年前草堂主而今雖在髮如絲
登山尋水應無力不似江州司馬時
漸伏酒魔休放醉猶殘口業未拋
詩君行過到鑪峯下為報東林長老知

往題草堂中也

改業

先生老去飲無興居士病來閒有餘
猶覺醉吟多放逸不如禪坐更清虛

予先有醉吟先生傳令故云

柘枝紫袖教

藥羯鼓蒼頭遣種蔬却被山僧戲相問
一時改業意

何如

山下留別佛光和尚

勞師送我下山行此別何人識此情我已七旬師九十當知後會在他生

山中五絕句

遊嵩陽見五物各有所感感興不同隨興而吟因成五絕

嶺上雲

嶺上白雲朝未散田中青麥旱將枯自生自滅成何事能逐東風作雨無

石上苔

漠漠班班石上苔幽芳靜綠絕纖埃路傍九草榮遭
遇曾得七香車輾來

林下檇

香檀文桂苦雕鐫生理何曾得自全
知我無材老樗
否一枝不損盡天年

澗中魚

海水桑田欲變時風濤翻覆沸天池
鯨吞蛟鬪波成
血深澗遊魚樂不知

洞中蝙蝠

千年鼠化白蝙蝠黑洞深藏避網羅
遠害全身誠得
計一生幽暗又如何

自戲三絕句

問臥獨吟無人酬和聊假
身心相戲往復偶成三章

心問身

心問身云何泰然嚴冬暖被日高眠
放君快活知恩
否不早朝來十一年

自報心

心是身王身自宮君今居在我宮中是君家舍君須
愛何事論恩自說功

心重谷身

因我踈慵休罷早遣君安樂歲時多世間老苦人何
限不放君閒柰我何

會昌元年春五絕句

病後喜過劉家

忽憶前年初病後此生甘分不銜盃誰能料得今春
事又向劉家飲酒來

贈舉之僕射

今春與僕射三
為寒食之會

雞毬錫粥屢開筵談笑謳吟間管絃一月三廻寒食

會春光應不負今年

盧尹賀夢得會中作

病聞川守賀筵開起伴尚書飲一盃任意少年長笑
我老人自覓老人來

題朗之槐亭

春風可惜無多日家醞唯殘軟半瓶猶望君歸同一
醉籃昇早晚入槐亭

勸夢得酒

誰人功畫麒麟閣何客新投魑魅鄉兩處榮枯君莫
問殘春更醉兩三場

過裴令公宅二絕句

裴令公在日常同聽楊柳枝歌每遇雪天無非

招宴二物如故因成感情

風吹揚柳出牆枝意尋同歡共醉時每到集賢方也

風吹楊柳出墻枝憶得同歡共醉時每到集賢坊地
過不曾一度不低眉

二

梁王舊館雪濛濛愁殺鄉枚二老翁此句兼屬夢得假使明
朝深一尺亦無人到兔園中

百日假滿少傅官停自喜言懷

長告今朝滿十旬從茲蕭灑便終身老嫌手重拋牙
笏病喜頭輕換角巾踈傳不朝懸組綬尚平無累畢
婚姻人言世事何時了我是人間事了人

早熱

畏景又加旱火雲殊未收籬暄飢有雀池涸渴無鷗
岸幘頭仍痛褰裳汗亦流若爲當此日遷客向炎州

時楊李二相
各貶潮韶

題崔少尹上林坊新居

坊靜居新深且幽
忽疑縮地到滄洲
宅東籬缺嵩峯出
堂後池開洛水流
高下三層盤野徑
泓洄十里汎漁舟
若能為客烹鷄黍
願伴田蘇日日遊

新澗亭

煙蘿初合澗新開
閒上西亭日幾迴
老病歸山應未得
且移泉石就身來

對酒有懷寄李十九郎中

往年江外拋桃葉
結之也去歲樓中別柳枝
樊蠻也寂寞

春來一盃酒此情
唯有李君知
吟詩舊句情難忘
風

月何時是盡時
李君嘗有悼故詩云直應人世無風月始是心中忘知時今故云

楊六尚書頻寄新詩詩中多有思閒相就之

楊六尚書頻寄新詩詩中多有思閒相就之

志因書鄙意報而諭之

君年殊未及懸車未合將閒逐老夫身徒正宜金印
綬位高方稱白髭鬚若論塵事何由了但問雲心自
在無進退是非俱是夢丘中闕下亦何殊

偶吟自慰兼呈夢得

予與夢得甲子
同令俱七十

且喜同年滿七旬莫嫌衰病莫嫌貧已為海內有名
客又占世間長命人耳裏聲聞新將相眼前失盡故
交親尊榮富壽難兼得閒坐思量最要身

寄潮洲繼之

相府潮陽俱夢中夢中何者是窮通他時事過方應
悟不獨榮空辱亦空

雪暮偶與夢得同致仕裴賓客王尚書飲

黃昏慘慘雪霏霏白首相歡醉不歸四箇老人三百

歲裴年九十餘王年八十餘予與夢得俱七十合三百餘歲可謂希有之會也人間此會

亦應稀

雪朝乘興欲詣李司徒留守先以五韻戲之

夜寒生酒思晚雪引詩情熱飲一兩盞冷吟三五聲

鋪花連地凍銷玉畏天晴好拂烏巾出宜披鶴氅行

梁園應有興何不召鄒生

贈思前以履道新小灘詩寄思黯報章云請向歸仁砌下看思黯歸仁宅亦有小灘

為憐清淺愛潺湲一日三迴到水邊若道歸仁灘更

好主人何故別三年

聽歌六絕句

聽歌六絕句詞云試問常

聽都子歌

詞云試問常娥更要無

都子新歌有性靈一聲格轉已堪聽更聽唱到常娥字猶有樊家舊典刑

樂世

一名六么

管急絃繁拍漸稠緣罽宛轉曲終頭誠知樂世聲聲樂老病人聽未免愁

水調

第五遍乃五言調韻寂切

五言一遍寂殷勤調少情多似有因不會當時翻曲意此身腸斷為何人

想夫憐

王維右丞詞云秦州一半夕陽開此句尤佳

玉管朱絃莫急催容聽歌送十分盃長愛夫憐第二句請君重唱夕陽開

何滿子

開元中滄州有歌者何滿子臨刑進此曲以贖死上竟不免

世傳滿子是人名臨就刑時曲始成一曲四調歌八疊從頭便是斷腸聲

離別難詞

綠楊陌上送行人馬去車迴一望塵不覺別時紅淚

盡歸來無可

可紇反

霜巾

閒樂

坐安臥穩輿平肩椅杖披衫遶四邊空腹三盃卯後
酒曲肱一覺醉中眠更無忙苦吟閒樂恐是人間曲
在天

白氏文集卷第三十五

白氏文集卷第三十六

半格詩律詩附九
九十五首

立秋夕涼風忽至炎暑稍消即事詠懷寄汴

州節度使李二十尚書

嫋嫋簷樹動好風西南來紅缸霏微滅碧幌飄飄開
披襟有餘涼拂簟無纖埃但喜煩暑退不惜光陰催
河秋稍清淺月午方徘徊或行或坐卧體適心悠哉
美人在浚都旌旗繞樓臺雖非滄溟阻難見如蓬萊
蟬迎節又換鴈送書未迴君位日寵重我年日摧頽
無因風月下一舉平生盃

開成二年夏聞新蟬贈夢得十年來常與夢
得索居同在洛

下每聞蟬多有寄答
今喜以此篇唱之

十載與君別常感新蟬鳴今年共君聽同在洛陽城
噪處知林靜聞時覺景清涼風忽嫋嫋秋思先秋生
殘槿花邊立老槐陰下行雖無索居恨還動長年情
且喜未聾耳年年聞此聲

題牛相公歸仁里宅新成小灘

平生見流水見此轉留連况此朱門內君家新引泉
伊流決一帶洛石砌千拳與君三伏月滿耳作潺湲
深處碧磷磷淺處清濺濺碕岸束鳴咽沙汀散淪漣
翻浪雪不盡澄波空共鮮兩崖灑頰口一泊瀟湘天
曾作天南客漂流六七年何山不倚杖何水不停船
巴峽聲心裏松江色眼前今朝小灘上能不思悠然

春日閒居三首

陶云愛吾廬吾亦愛吾屋屋中有琴書聊以慰幽獨
是時三月半花落庭蕪綠舍上晨鳩鳴牕間春睡足
睡足起閒坐景晏方櫛沐今日非十齋庖童饋魚肉
飢來恣食歡冷熱隨所欲飽竟快搔杷筋骸無檢束
豈徒暢肢體兼欲遺耳目便可傲松喬何假盃中綠

二

廣池春水平羣魚恣遊泳新林綠陰成衆鳥欣相鳴
韻時我亦瀟洒適無累與病魚鳥人則殊同歸於遂
性緬思山梁雉時哉感孔聖聖人不得所慨然歎時
命我今對鱗羽取樂成謠詠得所仍得時吾生一何
幸

三

勞者不覺歌歌其勞苦事逸者不覺歌歌其逸樂意
問我逸如何閒居多興味問我樂如何閒官少憂累
又問俸厚薄百千隨月至又問年幾何七十行欠二
所得皆過望省躬良可媿馬閒無羈絆鶴老有祿位
設自爲化工優饒只如是安得不歌詠默默受天賜

小閣閒坐

閣前竹蕭蕭閣下水潺潺拂簾卷簾坐清風生其間
靜聞新蟬鳴遠見飛鳥還但有巾掛壁而無客叩關
二踈返故里四老歸舊山吾亦適所願求閒而得閒
遊平泉宴浥澗宿香山石樓贈座客

逸少集蘭亭季倫宴金谷金谷太繁華蘭亭闕絲竹
何如今日會浥澗平泉曲盃酒與管絃貧中隨分足

紫鮮林筍嫩紅潤園桃熟採摘助盤筵芳滋盈日腹
閒吟暮雲碧醉藉春草綠舞妙艷流風歌清叩寒玉
古詩惜晝短勸我令秉燭是夜勿言歸相携石樓宿

池上幽境

裊裊過水橋微微入林路幽境深誰知老身閒獨步
行行何所愛遇物自成趣平滑青盤石低密綠陰樹
石上一素琴樹下雙草屨此是榮先生坐禪三樂處

夏日閒放

時暑不出門亦無賓客至靜室深下簾小庭新掃地
寒裳復岸幘閒傲得自恣朝景枕簟清乘涼一覺睡
午食何所有魚肉一兩味夏服亦無多蕉紗三五事
資身既給足長物徒煩費若比簞瓢人吾今太富

貴

和思黯居守獨飲偶醉見示六韻時夢得和
篇先成頗爲麗絕因添兩韻繼而美之

宮漏滴漸闌城烏啼復歇此時若不醉爭柰千門月
主人中夜起妓燭前羅列歌袂默收聲舞鬟低赴節
絃吟玉柱品酒透金盃熱朱顏忽已醺清奏猶未闕
妍詞黯先唱逸韻劉繼發鏗然双雅音金石相磨戛
和夢得洛中早春見贈七韻

衆皆賞春色君獨憐春意春意竟如何老夫知此味
燭餘減夜漏衾暖添朝睡恬和臺上風虛潤池邊地
開遲花養艷語懶鶯含思似訝隔年齋如歡迎春醉
何日同宴遊心期二月二此日出齋故云

何日同宴遊心期二月二齋故云
櫻桃花下有感而作

開成三年春李美
周賓客南池也者

藹藹美周宅櫻繁春日斜一為洛下客十見池上花
爛熳豈無意為君占年華風光饒此樹歌舞勝諸家
失盡白頭伴長成紅粉娃停盃兩相顧堪喜亦堪嗟

白頭伴紅粉
娃皆有所屬

洗竹

布裘寒擁頸氈履温承足獨立冰池前久看洗霜竹
先除老且病次去纖而曲剪棄猶可憐琅玕十餘束
青青復籊籊頗異凡草木依然若有情迴頭語僮僕
小者截魚竿大者編茅屋勿作篲與箕而令糞土辱

新沐浴

形適外無恙心恬內無憂夜來新沐浴肌髮舒且柔

寬裁夾烏帽厚絮長白裘裘溫裏我足帽暖覆我頭
先進酒一盃次舉粥一甌半酣半飽時四體春悠悠
是月歲陰暮慘冽天地愁白日冷無光黃河凍不流
何處征戍行何人羈旅遊窮途絕糧客寒獄無燈囚
勞生彼何苦遂性我何優撫心但自愧孰知其所由

三年除夜

晰晰燎火光氤氳臍酒香嗤嗤童稚戲迢迢歲夜長
堂上書帳前長幼合成行以我年取長次第來稱觴
七十期漸近萬緣心已忘不唯少歡樂兼亦無悲傷
素屏應居士青衣侍孟光夫妻老相對各坐一繩床

顛虎頭畫維摩居士圖白衣素屏也

自題小園

不闔門館華不闔林園大但闔爲主人一坐十餘

不闔門館華不闔林園大但闔爲主人一坐十餘載
迴看甲乙第列在都城內素垣夾朱門藹藹遙相對
主人安在哉富貴去不迴池乃爲魚鑿林乃爲禽栽
何如小園主拄杖間即來親賓有時會琴酒連夜開
以此聊自足不羨大池臺

病中宴坐

有酒病不飲有詩慵不吟頭眩平聲罷垂鈎手痺休援

襟竟日悄無事所居閒且深外安支離體中養希夷
心窓戶納秋景竹木澄夕陰宴坐小池畔清風時動

戒藥

促促急景中蠢蠢微塵裏生涯有分限愛戀無終已

早天羨中年中年羨暮齒暮齒又貪生服食求不死
朝吞太陽精夕吸秋石髓徼福反成災藥誤者多矣
以之資嗜慾又望延甲子天人陰隲間亦恐無此理
域中有真道所說不如此後身始身存吾聞諸老氏

贈夢得

前日君家飲昨日王家宴今日過我廬三日三會面
當歌聊自放對酒交相勸爲我盡一盃與君發三願
一願世清平二願身強健三願臨老頭數與君相見

逸老

莊子云勞我以生逸我以老息我以死也

白日下駸駸青天高浩浩人生在其中適時即爲好
勞我以少壯息我以衰老順之多吉壽違之或凶天
我初五十八息老雖非早一閒十三年所得亦不少

况加祿仕後衣食常溫飽又從風疾來女嫁男婚了

我初五十八息老雖非早一聞十三年所得亦不少
况加祿仕後衣食常溫飽又從風疾來女嫁男婚了
胃中一無事浩氣凝襟抱飄若雲信風樂於魚在藻
桑榆坐已暮鍾漏行將曉皤然七十翁亦足稱壽考
筋骸本非實一束芭蕉草眷屬偶相依一夕同棲鳥
去何有顧戀佳亦無憂惱生死尚復然其餘安足道
是故臨老心冥然合玄造

遇物感興因示子弟

聖擇狂夫言俗信老人語我有老狂詞聽之吾語汝
吾觀器用中劔銳鋒多傷吾觀形骸內骨勁齒先亡
寄言處世者不可苦剛強龜性愚且善鳩心鈍無惡
人賤拾支床鷓欺擒暖脚寄言立身者不得全柔弱
彼固罹禍難此未免憂患訶于何保終吉強弱剛柔

金集三
間上遵周孔訓旁鑒老莊言不唯鞭其後亦要軛其
先

首夏南池獨酌

春盡雜英歇夏初芳草深薰風自南至吹我池上林
綠蘋散還合頰鯉跳復沉新葉有佳色殘鷺猶好音
依然謝家物池酌對風琴慙無康樂作秉筆思沉吟
境勝才思劣詩成不稱心

官俸初罷親故見憂以詩諭之

七年爲少傅品高俸不薄乘軒已多慙况是一病鶴
又及懸車歲筋力轉衰弱豈以貧是憂尚爲名所縛
今春始病免纓組初擺落蝸甲有何知雲心無所著
困中殘舊穀可備歲飢惡園中多新蔬未至食藜藿

不求安師卜不問陳生藥但對丘中琴時開池上酌

不求安師卜不問陳生藥但對丘中琴時開池上酌
信風舟不繫掉尾魚方樂親友不我知而憂我寂寞

安與陳皆洛下藝術精者

閒居偶吟招鄭庶子皇甫郎中

自哂此迂叟少迂老更迂家計不一問園林聊自娛
竹間琴一張池上酒一壺更無俗物到但與秋光俱
古石蒼錯落新泉碧縈紆焉用車馬客即此是吾徒
不有所思人各在城一隅杳然愛不見搔首方踟躕
玄晏風韻遠子真雲貌孤誠知厭朝市何必憶江湖
能來小澗上一聽潺湲無

亭西墻下伊渠水中置石激流潺湲成韻頗

有幽趣以詩記之

嵌巉嵩石峭皎潔伊流清立爲遠峯勢激作寒玉聲
夾岸羅密樹面灘開小亭忽疑嚴子瀨流入洛陽城
是時群動息風靜微月明高枕夜悄悄滿耳秋泠泠
終日臨大道何人知此情此情苟自愜亦不要人聽

間題家池寄王屋張道士

有石白磷磷有水清潺潺有叟頭似雪婆娑乎其間
進不趨要路退不入深山深山大濩落要路多險艱
不如家池上樂逸無憂患有食適吾口有酒醅吾顏
恍惚遊醉鄉希夷造玄關五千言下悟十二年來間
富者我不顧貴者我不攀唯有天壇子時來一往還

李廬二中丞各創山居俱誇勝絕然去城稍

遠來往頗勞弊居新泉實在宇下偶題十

五韻聊戲二君

龍門蒼石壁

李所有也

浥澗碧潭水

盧所有也

各在一山隅迢

遙幾十里清鏡碧屏風惜哉信爲美愛而不得見亦
與無相似聞君每來去矻矻事行李脂轄復裹糧心
力頗勞止未如我舍下石與泉甚邇鑿鑿復濺濺晝
夜流不已洛石千萬拳襯波鋪錦綺海民一兩片漱
漱含宮徵綠宜春濯足淨可朝漱齒遶砌紫鱗遊拂
簾白鳥起何言履道叟便是滄浪子君若赴歸程請
君先到此願以潺湲聲洗君塵土耳

北窓竹石

一片瑟瑟石數竿青青竹向我如有情依然看不足
况臨北窓下復近西塘曲筠風散餘清苔雨含微綠

有妻亦衰老有子方竒獨莫掩夜窓扉共渠相伴宿
飲後戲示弟子

吾爲爾先生爾爲吾弟子孔門有遺訓復坐吾告爾
先生饌酒食弟子服勞止孝敬不在他在茲而已矣
欲我少憂愁欲我多歡喜無如醞好酒酒須多且旨
旨即賓可留多即壘不耻吾更有一言爾宜聽入耳
人老多憂貧人病多憂死我今雖老病所憂不在此
憂在半酣時樽空坐客起

閒坐看書貽諸少年

雨砌長寒蕪風庭落秋果窓間有閒叟盡日看書坐
書中見往事歷歷知福禍多取終後亡疾驅必先墮
勸君少干名名爲錮身鑱勸君少求利利是焚身火

我心知己久吾道無不可所以雀羅明不能定實哉

我心知已久吾道無不可所以雀羅門不能寂寞我

夢上山

時足疾未平

夜夢上嵩山獨携藜杖出千巖與萬壑遊覽皆周畢
夢中足不三捷似少年日既悟神返初依然舊形質
始知形神內形病神無疾形神兩是幻夢悟俱非實
晝行雖蹇澁夜步頗安逸晝夜既平分其間何得失

對酒閒吟贈同老者

人生七十稀我年幸過之遠行將盡路春夢欲覺時
家事口不問世名心不思老既不足歎病亦不能治
扶持仰奴僕將養信妻兒飢飽進退食寒暄加減衣
聲妓放鄭衛裘馬脫輕肥百事盡除去尚餘酒與詩
興來吟一篇吟罷酒一卮不獨適情性兼用扶衰羸

雲液洒六腑陽和生四肢於中我自樂此外吾不知
寄問同老者捨此將安歸莫學蓬心叟胷中殘是非
晚起間行

皤然一老子擁裘仍隱几坐穩夜忘眠臥安朝不起
起來無可作閉目時叩齒靜對銅爐香暖漱銀瓶水
午齋何儉絜餅與蔬而已西寺講楞伽間行一隨喜

香山居士寫真詩并序

元和五年子為左拾遺翰林學士奉詔寫真於集賢
殿御書院時年三十七會昌二年罷太子少傅為白
衣居士又寫真於香山寺藏經堂時年七十一前後
相望殆將三紀觀今照昔慨然自歎者久之形容非
一世事幾變因題六十字以寫所懷

皆作少學士圖形入集賢今為老居士寫貌寄香山

一世事幾變因題六十字以寫所懷

皆作少學士圖形入集賢今為老居士寫貌寄香山
鶴毛變玄髮雞膚換朱顏前形與後貌相去三十年
勿歎韶華子俄成皤叟仙請看東海水亦變作桑田
二年三月五日齋畢開素當食偶吟贈妻弘

農郡君

躡足肢體暢晨起開中堂初旭泛簾幕微風拂衣裳
二婢扶盥櫛双童舁篋床庭東有茂樹其下多陰涼
前月事齋戒昨日散道場以我父蔬素加籩仍異糧
魴鱗如白雪蒸炙加桂薑稻飯紅似花調沃新酪漿
佐以脯醢味間之椒薤芳老憐口尚美病喜鼻聞香
嬌駭三四孫索哺遶我傍山妻未舉案饒叟已先嘗
憶同牢色初家貧共糟糠今食且如此何必烹猪羊

况觀姻族間夫妻半存亡偕老不易得白頭何足傷
食罷酒一盃醉飽吟又狂緬想梁高士日道喜文章
徒誇五噫作不解贈孟光

不出門

彌月不出門永日無來賓食飽更拂床睡覺一頓伸
輕箠白鳥羽新篔簹青箭筠方寸方丈室空然兩無塵
披衣翳不帶散髮頭不巾袒跣北窓下葛天之遺民
一日亦自足况得以終身不知天壤内自我爲何人

感舊併

故李侍郎杓直長慶元年春薨元相公微之太和六
年秋薨崔侍郎晦叔大和七年夏薨劉尚書夢得會
昌二年秋薨四君子予之執友也三十年間凋零兵

百廿二年秋薨四君子予之執友也三十年間相與

盡唯予衰病至今獨存因詠悲懷題為感舊
晦叔墳荒草已陳夢得墓濕土猶新微之捐館將一
紀杓直歸丘二十春城中雖有故第宅庭蕪園廢生
荆榛篋中亦有舊書札紙穿字蠹成灰塵平生定交
取人窄屈指相知唯五人四人先去我在後一枝蒲
柳衰殘身豈無晚歲新相識相識面親心不親人生
莫羨苦長命長命感舊多悲辛

送毛仙翁

江州司馬

馬時作

仙翁已得道混迹尋巖泉肌膚冰雪瑩衣服雲霞鮮
紺髮絲並緻齧容花共妍方瞳點玄漆高步凌飛烟
幾見桑變海莫知龜鶴年所憇九清外所遊五嶽巔
軒吳舊為侶松喬難比肩每嗟人世入役役如狂顛

孰能脫羈鞅盡遭名利牽貌隨歲律換神逐光陰遷
惟余負憂譴憔悴溢江壩衰髮忽霜白愁腸如火煎
羈旅坐多感徘徊私自憐晴眺五老峯玉洞多神仙
何當憫湮厄授道安虛辱我師惠然來論道窮重玄
浩蕩八冥闔志泰心超然形骸旣無束得喪亦都捐
豈識椿萱異那知鵬鷃懸丹華旣相付促景定當延
玄功曷可報感極惟勤奉霓旌不肯駐又歸武夷川
語罷倏然別孤鶴昇遙天賦詩叙明德永續步虛篇

達哉樂天行

達哉達哉白樂天分司東都十三年七旬纔滿冠已
挂半祿未及車先懸或伴遊客春行樂或隨山僧夜
坐禪二年忘却問家事門庭多草厨少烟庖童朝告

坐禪二年忘却問家事門庭多草屋少烟庖童朝告
鹽米盡侍婢暮訴衣裳穿妻孥不悅甥姪悶而我醜
臥方陶然起來與爾畫生計薄產處置有後先先賣
南坊十畝園次賣東郭五頃田然後兼賣所居宅髻
鬚獲緡二三千半與尔充衣食費半與吾供酒肉錢
吾今已年七十一眼昏鬚白頭風眩但恐此錢用不
盡即先朝露歸夜泉未歸且住亦不惡飢食樂飲安
穩眠死生無可無不可達哉達哉白樂天

春池閒汎

律詩

綠塘新水平紅檻小舟輕解纜隨風去開襟信意行
淺憐清演漾深愛綠泓澄白撲柳飛絮紅浮桃落英
古文料斗出新葉剪刀生樹集鷺朋友雲行鴈弟兄
飛沉皆適性酣詠自怡情花助銀盃器松添玉軫聲

魚跳何事樂鷗起復誰驚莫唱滄浪曲無塵可濯纓

池上寓興二絕

濠梁莊惠謾相爭未必人情知物情獺捕魚來魚躍

出此非魚樂是魚驚

二

水淺魚稀白鷺飢勞心瞪目待魚時外容閒暇中心

苦似是非誰得知

宴後題府中水堂贈盧尹中丞 昔予為尹日創造之

水齋歲久漸荒蕪自愧甘棠無一株新酒客來方宴

飲舊堂主在重歡娛莫言楊柳枝空老 府妓有歌楊柳枝曲者因

以名直致櫻桃樹已枯 府西有櫻桃樹因枯也 從我到

君十一尹相看自置府中無 自予罷後至中丞凡十一尹也

和敏中洛下即事

時敏中為
殿中分司

昨日池塘春草生
阿連新有好詩成
花園到處鷓鴣呼
入駿馬遊時客
避行水暖魚多似
南國人稀塵少勝
西京洛中佳境應
無限若欲諳知問
老兄

送敏中新授戶部員外郎西歸

千里歸程三伏天
官新身健馬翩翩
行衝赤日加餐
飯上到青雲穩著
鞭長慶老郎唯我
在客曹故事望
君傳前鴻後鴈行
難續相去迢迢二
十年

長慶初予
為主客郎

中知制誥遷中書舍
人去今二十一年也

南侍御以石相贈助成水聲因以絕句謝之

泉石磷磷聲似琴
閒眠靜聽洗塵心
莫輕兩片青苔
石一夜潺湲直萬金

間居自題戲招宿客

水畔竹林邊
閒居二十年
健常携酒出
病即掩門眠
解綬收朝佩
褰裳出野舩
屏除身外物
擺落世間緣
報曙窓何早
知秋簟最先
微風深樹裏
斜日小樓前
渠口添新石
籬根寫亂泉
欲招同宿客
誰解愛潺湲

西亭墻下
泉石有聲

李留守相公見過池上汎舟舉酒話及翰林

舊事因成四韻以獻之

引棹尋池岸
移樽就菊叢
何言濟川後
相訪釣舩中
白首故情在
青雲往事空
同時六學士
五相一漁翁
閏九月九日獨飲

黃花叢畔綠樽前
猶有些些舊管絃
偶遇閏秋重九

日東籬獨酌一陶然自從九月持齋戒不醉重陽十
五年

覽盧子蒙侍御舊詩多與微之唱和感今傷
昔因贈子蒙題於卷後

早聞元九詠君詩恨與盧君相識遲今日逢君開舊
卷卷中多道贈微之相看掩淚情難說別有傷心事
豈知聞道咸陽墳上樹已抽三文白楊枝

寒亭留客

今朝閒坐石亭中爐火銷殘樽又空冷落若爲留客
住冰池霜竹雪髯翁

新小灘

石淺沙平流水寒水邊斜插一漁竿江南客見生鄉

思道似嚴陵七里灘

和李中丞與李給事山居雪夜同宿小酌

憲府觸邪我豸角璣闈駁正犯龍鱗

二人當官盛事為時所稱也

那知近地齋居客忽作深山同宿人一盞寒燈雲外

夜數盃温耐雪中春林泉莫作多時計諫獵登封憶

舊臣

履道西門二首

履道西門有弊居池塘竹樹遶吾廬豪華肥壯雖無

分飽暖安閒即有餘行竈朝香炊早飯小園春暖掇

新蔬夷齊黃綺誇芝蕨比我盤飧恐不如

二

履道西門獨掩扉官休病退客來稀亦知軒冕榮堪

德其本田園老人合歸皮冠雖隨棋漢足傷禽莫亦鳳

戀其柰田園老合歸波鼈難隨騏驎足傷禽莫趁鳳
凰飛世間認得身人少今我雖愚亦庶幾

偶吟

人生變改故無窮昔是朝官今翁久寄形於朱紫

內漸抽身入蕙荷中

荷衣蕙帶皆楚詞也

無情水任方圓器不

繫舟隨去住風猶有鱸魚蓴菜與來春或擬徃江東

雪夜小飲贈夢得

同為懶慢園林客共對蕭條雨雪天小酌酒巡銷永
夜大開口笑送殘年久將時背成遺老多被人呼作
散仙呼作散仙應有以曾看東海變桑田

歲暮夜長病中燈下聞盧尹夜宴以詩戲之

且為來日張本也

榮開興多嫌晝短衰閒睡少覺明遲當君秉燭銜盃
夜是我停食服藥時枕上愁吟堪發病府中歡笑勝
尋醫明朝強出湏謀樂不擬車公更擬誰

病中數會張道士見譏以此荅之

亦知數出妨將息不可端居守寂寥病即藥窓眠盡
日興夾酒席坐通宵賢人易狎湏勤飲姹女難禁莫
慢燒張道士輸白道士一盃沆瀣便逍遙

卯飲

短屏風掩卧床頭烏帽青氈白氎裘卯飲一盃眠一
覺世間何事不悠悠

寄題餘杭郡樓兼呈裴使君

官歷二十政宦遊三十秋江山與風月最憶是杭州

北郭沙堤毛西潮石岸頭綠觴春送客紅燭夜迴舟
不敢言遺愛空知念舊遊憑君吟此句題向望濤樓
楊六尚書留太湖石在洛下借置庭中因對

舉盃寄贈絕句

借君片石意何如置向庭中慰索居每就玉山傾一
酌興來如對醉尚書

喜入新年自詠

時年七十一

白鬚如雪五朝臣又值新正第七旬老過古他藍尾
酒病餘收得到頭身銷磨歲月成高位比類時流是
幸人大曆年中騎竹馬幾人得見會昌春

灘聲

碧玉班班沙歷歷清流泱泱響泠泠自從造得灘聲

後玉管朱絃可要聽

老題石泉

殷勤傍石遶泉行不說何人知我情
漸恐耳聾兼眼暗聽泉看石不分明

送王卿使君赴任蘇州因思花迎新使感舊

遊寄題郡中木蘭西院一別

一別蘇州十八載時光人事隨年改
不論竹馬盡成人亦恐桑田半爲海
鶯入故宮含意思花迎新使生
光彩爲報江山風月知至今白使君猶在

出齋日喜皇甫十早訪

三旬齋滿欲銜盃平旦敲門門未開
除却朗之携一榼的應不是別人來

會昌二年春題池西小樓

花邊春水水邊樓一坐經今四十秋望月橋傾三遍

與採蓮船破五迴脩園林一半成喬木鄰里三分作

白頭蘇李冥蒙隨燭滅陳樊漂泊逐萍流蘇廙子弘李中丞道

樞及陳樊二妓十餘年皆樓中歌酒中伴或歿或散獨子在焉雖貧眼下無妨樂縱

病心中不與愁自笑靈光巋然在春來遊得且須遊

酬南洛陽早春見贈

物華春意尚遲迴賴有東風晝夜催寒縹柳腰收未

得暖熏花口噤初開古詩云口噤不能開欲披雲霧聯襟去先

喜瓊琚入袖來久病長齋詩老退爭禁年少洛陽才

對新家醞翫自種花

香麴親看造芳叢手自栽迎春報酒熟垂老看花開

紅蠟半含萼綠油新醖醅玲瓏五六樹漱灑兩三盃
恐有狂風起愁無好客來獨酣還獨語待取月明迴
携酒往朗之莊居同飲

慵中又少經過處別後都無勸酒人不挈一壺相就
醉若為將老度殘春

以詩代書酬慕巢尚書見寄

故以此答

慕巢書中頗切
即休結侶之意

書意詩情不偶然若云夢想在林泉願為愚谷烟霞
侶思結空門香火綠每愧尚書情眷眷自憐居士病
綿綿不知待得心期否老校於君六七年

春盡日

芳景銷殘暑氣生感時思事坐含情無人開口其誰

語有酒迴頭還自傾醉對數叢紅芍藥渴嘗一盃綠

昌明蜀茶之名也春歸自遣鶯留語好仁林園三兩聲

招山僧

能入城中乞食否莫辭塵土污袈裟欲知佳處東城下
下遶竹泉聲是白家

夏日與間禪師林下避暑

洛景墻西塵土紅伴僧間坐竹泉東綠蘿潭上不見
日白石難邊長有風熱漸知隨念盡清涼常願與
人同每因毒暑悲親故多在炎方瘴海中是歲潮郡等郡皆有

親友
識居

題新瀾亭兼酬寄朝中親故見贈

何處披襟風快哉一亭臨澗四門開金章紫綬辭腰

去白石清泉就眼來自得所宜還獨樂各行其志莫
相哈禽魚出得池籠後縱有人呼可更廻

病中看經贈諸道侶

右眼昏花左足風金篋石水用無功

金篋刮眼病見
涅槃經磁石水

治風見
外臺方不如廻念三乘樂便得浮生百疾空無子同

居草庵下

見法
華經

有妻偕老道場中何煩更請僧為侶

月上新歸侍病翁

時適談氏女子自太原初
歸維摩詰有女名月上也

遊豐樂招提佛光三寺

竹鞋葵扇白綃巾林野為家雲是身山寺每遊多寄

宿都城暫出即經旬漢容黃綺為逋客堯放巢由作

外臣昨日制書臨郡縣不談愚谷醉鄉人

醉中得上都親友書以予停俸多時憂問貧

乏偶乘酒興詠而報之

頭白醉昏昏狂歌秋復春一生耽酒客五度棄官人

蘇州刑部侍郎河南尹同州刺史太子少傅皆以病免也異世陶元亮前生劉伯

倫臥將琴作枕行以鍾隨身歲要衣三對年支穀一

困園葵烹佐板秋葉掃添薪沒齒甘蔬食搖頭謝縉

紳自能拋爵祿終不惱交親但得盃中綠從生甑上

塵煩君問生計憂醒不憂貧

池畔逐涼

風清泉冷竹修修三伏炎天涼似秋黃犬引迎騎馬

客青衣扶下釣魚舟衰容自覺宜閒坐蹇步誰能更

遠遊料得此身終老處只應林下與灘頭

池鶴八絕句

池土有鶴介然不群烏鳶鷄鶩次第嘲噪諸禽似有所謂鶴亦

時復一鳴予非治長不通其意因戲
與贈荅以意斟酌之聊亦自取笑耳

鷄贈鶴

一聲驚露君能薄五德司晨我用多
不會悠悠時俗士重君輕我意如何

鶴荅雞

爾爭伉儷泥中鬪吾整羽衣松上棲
不可遣他天下眼却輕野鶴重家雞

烏贈鶴

與君白黑太分明縱不相親莫見輕
我每夜啼君怨別王微琴裏忝同聲

琴曲有烏夜啼別鶴怨

鶴荅烏

吾愛棲雲上華表汝多攫肉下田中
吾音中羽汝聲

角琴曲雖同調不同

別鶴怨在羽調
烏夜啼在角調

鳶贈鶴

君誇名鶴我名鳶君叫聞天我戾天更有與君相似
處飢來一種啄腥羶

鶴答鳶

無妨自是莫相非清濁高低各有歸鸞鶴群中彩雲
裏幾時曾見喘鳶飛

鳶贈鶴

君因風起入青雲我被人驅向鴨群雪頸霜毛紅網
掌請看何處不如君

鶴答鵝

右軍歿後欲官依只合隨雞逐鴨飛未必犧牲以吾

輦大都我瘦勝君肥

談氏小外孫玉童

外翁七十孫三歲笑指琴書欲遣傳
目念老夫今耄矣因思稚子更茫然
中郎餘座鍾羊祜子幼能文似馬遷
才與不才爭料得東床空後且嬌憐

談氏初逝

送後集往廬山東林寺兼寄雲臯上人

後集寄將何處去故山迢遞在匡廬
舊僧獨有雲臯在三二年來不得書
別後道情添幾許老來筋力又何如
來生緣會應非遠彼此年過七十餘

客有說

客即李新東也所說不能具錄其事

近有人從海上迴
海山深處見樓臺
中有仙龕虛一室
多傳此待樂天來

室多傳此待樂天來

荅客說

吾學空門非學仙恐君此說是虛傳海山不是我歸

處歸即應歸兜率天

予晚年結彌勒上生業故云

哭劉尚書夢得二首

四海齊名白與劉百年交分兩綢繆同貧同病退閒

日一死一生臨老頭盃酒英雄君與操

曹公曰天下英雄唯使君

與操

文章微婉我知丘

仲尼云後世知丘者春秋又云春秋之旨微而婉也賢

豪雖歿精靈在應共微之地下遊

二

今日哭君吾道孤寢門淚滿白髭鬚不知箭折弓何

用兼恐脣亡齒亦枯窅窅窮泉埋寶玉駸駸落景掛

桑榆夜臺暮齒期非遠但問前頭相見無

采餘外臺暮齒祺非茲以問前題味長無

白氏文集卷第三十六

今日哭吾首如髮門列前白益益不似留社吾前

哀難效辭露

與辭文章

日一取一主

四再齊名白

哭

哭

哭

吾學出... 山... 山不長...

卷三十六



白氏文集卷第三十七

律詩

五言七言
九一百首

昨日復今辰

昨日復今辰悠悠七十春所經多故處却想似前身
散秩優游老閒居清淨貧螺盃中有物鶴髦上無塵
解佩收朝帶抽簪換野巾風儀與名號別是一生人

病瘡

門有醫來往庭無客送迎病銷談笑興老足歎嗟聲
鶴伴臨池立人扶下砌行脚瘡春斷酒那得有心情

遊趙村杏花

游村紅杏每年開十五年來看幾迴七十三人難再
到今春來是別花來

刑部尚書致仕

十五年來洛下居道緣俗累兩何如迷路心迴因向
佛宦途事了是懸車全家遁世曾無悶半俸資身亦
有餘唯是名銜人不會毗耶長者白尚書

初致仕後戲詔留守牛相公

并呈分司諸寮友

南北東西無所羈挂冠自在勝分司探花嘗酒多先
到拜表行香盡不知炮笋烹魚飽食後擁袍枕臂醉
眠時報君一語君應笑兼亦無心羨保釐

問諸親友

七十人難到過三更較稀占花租野寺定酒典朝衣
趁醉春多出貪歡夜未歸不知親故口道我是耶非

戲問牛司徒

抖擻塵纓捋白鬚半酣扶起問司徒不知詔下懸車
後醉舞狂歌有例無

不與老爲期

不與老爲期因何兩鬢絲纔應免夭促便已及衰羸
昨夜夢何在明朝身不知百憂非我所三樂是吾師
閉目常間坐低頭每靜思存神機慮息養氣語言遲
行亦携詩篋眠多枕酒卮自慙無一事少有不安時

開龍門八節石灘詩二首

併序

東都龍門潭之南有八節灘九峭石船筏過此例反
破傷舟人楫師推挽束縛大寒之月裸跣水中飢凍
有聲聞於終夜予嘗有願力及則救之會昌四年有
悲智僧道遇適同發心經營開鑿貧者出力仁者施

財於戲從古有礙之險未來無窮之苦忽乎一旦盡
除去之茲吾所用適願快心拔苦施樂者耳豈獨以
功德福報爲意哉因作二詩刻題石上以其地屬寺
事因僧故多引僧言見志

鐵鑿金鎚殷若雷八灘九石劒稜摧竹篙桂楫飛如
箭百筏千艘魚貫來振錫導師憑衆力揮金退傳施
家財他時相逐西方去莫慮塵沙路不開

二

七十三翁旦暮身誓開險路作通津夜舟過此無傾
覆朝脛從今免苦辛十里叱灘變河漢八寒陰獄化
陽春

八寒地獄見佛名及涅槃經故以八節灘爲比

我身雖歿心長在閻施

慈悲與後人

閒坐

婆娑放雞犬嬉戲任兒童閒坐槐陰下
開襟向晚風
漚麻池水裏
晷日陽中人物何相稱
居然田舍翁
每來故事堂中宿
共憶華陽觀裏時
日暮獨歸愁
米盡泥深同出借
驢騎交游今日唯
殘我富貴當年更有誰
彼此相看頭雪白
一杯可合重推辭

道場獨坐

整頓衣巾拂淨床
一瓶秋水一鑪香
不論煩惱先湏去
直到菩提亦擬忘
朝謁久停收
劒珮宴遊漸罷廢
壺觴世間無用殘
年處
祇合逍遙坐道場

偶作寄朗之

歷想爲官日無如刺史時歡娛接賓客飽暖及妻兒
自到東都後安瀾更得宜分司勝刺史致仕勝分司
何況園林下欣然得朗之仰名同舊識爲樂即新知
有雪先相訪無花不作期鬪釀乾釀酒誇妙細吟詩
里巷千來往都門五別離岐分兩廻首書到一開眉
葉落槐亭院冰生竹閣池雀羅誰問訊鶴毫罷追隨
身與心俱病容將力共衰老來多健忘唯不忘相思

狂吟七言十四韻

亦知世是休明世自想身非富貴身
恐人間爲長物不如林下作遺民
遊依二室成三友住近雙林堂
四鄰性海澄亭平少浪心田灑掃淨無塵
香山間宿一千夜梓澤連遊十六春
是客相逢皆故舊無僧每

見不殷勤藥停有喜聞銷疾金盡無憂醉忘貧補綻
衣裳愧妻女支持酒肉賴交親俸隨日計錢盈貫祿
逐年支粟滿困尚書致仕請半俸百斛亦五千歲給祿粟二千可爲洛堰魚
鮮供取足游村果熟饋爭新詩章人與傳千首壽命
天教過七旬點檢一生傲倖事東都除我更無人

喜裴濤使君携詩見訪醉中戲贈

忽聞扣戶醉吟聲不覺停盃倒屣迎共放詩狂同酒
癖與君別是一親情

得潮州楊相公繼之書并詩以此寄之

詩情書意兩殷勤來自天南瘴海濱初覩銀鈎還啓
齒細吟瓊什欲沾中鳳池隔絕三千里蝸舍沉冥
五春唯有新昌故園月至今分照兩鄉人

鳳也屬揚相也蝸舍

自謂
也

宿府池西亭

池上平橋橋下亭夜深睡覺上橋行白頭老尹重來

宿十五年前舊月明

間眠

暖牀斜卧日曛腰一覺間眠百病銷盡日一餐茶兩

碗更無所要到明朝

永豐坊西南角園中有垂柳一株柔條極茂

白尚書曾賦詩傳入樂府遍流京都近有

詔旨取兩枝植於禁苑乃知一顧增十倍之

價非虛言也因此偶成絕句非取繼和前篇

白尚書篇云

一樹春風千萬枝嫩如金色軟於絲永豐西角荒園裏盡日無人屬阿誰

河南尹盧貞和

一樹依依在永豐兩枝飛去杳無蹤玉皇曾採人間曲應逐歌聲入九重

刑部尚書致仕白居易和

一樹衰殘委泥土雙枝榮耀植天庭定知玄象今春後柳宿光中添兩星

齋居春久感事遣懷

齋戒坐三旬笙歌發四鄰月明停酒夜眼闌看花人賴學空爲觀深知念是塵猶思閒語笑未忘舊交親久作龍門主多爲兔苑賓水嬉歌盡日雪宴燭通晨

事事皆過分時時自問身風光拋得也七十四年春

每見呂南二郎中新文輒竊有所歎惜因成

長句以詠所懷

雙金百鍊少人知縱我知君徒爾為望梅問老無妨

渴二賢詞藻為瞻麗衆多以予曾忝制誥此官故呼閣老盡餅尚書不救飢無喻

戲自白日迴頭看又晚青雲舉足躡何遲壯年可惜

虛銷擲遣把閒杯吟詠詩

曲類胡吉鄭劉盧張等六賢皆多年壽予亦次焉

偶於弊居合成尚齒之會七老相顧既醉

甚歡靜而思之此會稀有因成七言六韻

稟蓋日無以紀之傳好事者

七人五百七十歲拖紫紆朱垂白鬚手裏無金莫嗟

嘆樽中有酒且歡娛詩吟兩句神猶王酒飲三杯氣
尚龕嵬峩狂歌教婢拍婆娑醉舞遣孫扶天年高過
二踈傳人數多於四皓圖除却三山五天竺人間此

會更應無

三仙山五天竺
圖多老壽者

前懷州司馬安定胡杲年八十九

衛尉卿致仕馮翊吉皎年八十六

前右龍武軍長史滎陽鄭據年八十四

前慈州刺史廣平劉真年八十二

前侍御史內供奉官范陽盧真年七十二

九

前永州刺史清河張渾年七十四

刑部尚書致仕太原白居易年七十四

已上七人合五百七十歲會昌五年三月

二十一 日於白家履道宅同宴宴罷賦詩
時秘書監狄兼謩河南尹盧貞以年未七
十雖與會而不及列

歡喜二偈

得老加年誠可喜當春對酒亦宜歡
心中別有歡喜事開得龍門八節難

眼暗頭旋耳重聽

平聲

唯餘心口尚醒醒今朝歡喜緣

何事禮徹佛名百部經

閒居貧活計

冠蓋閒居少簞瓢陋巷深
稱家開戶牖量力置園林
儉薄身都慣營爲力不任
飢烹一斤肉暖卧兩重衾
樽有陶潛酒囊無陸賈金
莫嫌貧活計更富即勞心

贈諸少年

少年莫笑我蹉跎聽我狂翁一曲歌入手榮名取雖
少關心穩事得還多老慙退馬霜芻秣謂致仕半俸也高喜
歸鴻脫弋羅官給俸錢天與壽此此貧病奈吾何

感所見

巧者焦勞智者愁愚翁何喜復何憂莫嫌山木無人
用大勝籠禽不自由網外老雞因斷尾盤中鮮鱠為
吞鉤誰人會我心中事冷笑時時一掉頭

寄黔州馬常侍

閒看變節信為貴樂飲一杯誰與同可惜風情與心
力五年拋擲在黔中

和李相公留守題漕上新橋六韻

同用黎字

選石鋪新路安橋壓古堤似從銀漢下落傍玉川西
影定欄杆倒標高華表齊烟開虹半見月冷鶴雙棲
材映夔龍小功嫌元凱低從容濟世後餘力及黔黎

閒居

風雨蕭條秋少客門庭冷靜晝多關金羈駱馬近賣
却羅袖柳枝尋放還書卷略尋聊取睡酒杯淺把粗
開顏眼昏入夜休看月脚重經春不上山心靜無妨
喧處寂機忘兼學夢中間是非愛惡銷停盡唯寄空
身在世間

新秋夜雨

蟋蟀暮啾啾光陰不少留松簷半夜雨風幌滿林秋
曙早燈猶在涼初簾未收新晴好天氣誰伴老人遊

春眠

枕低被暖身安穩
日照房門帳未開
還有少年春氣味
時時蹙到睡中來

喜老自嘲

面黑頭雪白
白嫌還自憐
毛龜著下老
蝙蝠鼠中仙
名籍同逋客
衣裝類古賢
裘輕被白氎
靴暖蹋烏氊
周易休開卦
陶琴不上絃
任從人棄擲
自與我周旋
鐵馬因疲退
鈇刀以鈍全
行開第八秋
可謂盡天年

時俗謂七十已上為開第八秋

能無愧

十兩新絲褐披行
暖似春一團
香絮枕倚坐穩於人
婢僕遣他嘗藥草
兒孫與我拂衣巾
迴看左右能無

愧養活枯殘廢退身

河陽石尚書破迴鶻迎貴主過上黨射鷺鷥

繪畫為圖猥蒙見示稱嘆不足以詩美之

塞北虜郊隨手破山東賊壘掉鞭收烏孫公主歸秦

地白馬將軍入潞州劔拔青鱗蛇尾活弦抨赤羽火

星流須知鳥目猶難漏向書將入潞府偶逢水鳥鷺

躍其事上天縱有天足憂畫角三聲刁斗曉清

商一部管絃秋他時麟閣圖勲業更合何人居土頭

自詠老身示諸家屬

壽及七十五俸霑五十千夫妻偕老日甥姪聚居年

粥美嘗新米袍温換故絲家居雖濩落眷屬幸團圓

置榻素屏下移爐青帳前書聽孫子讀湯看侍兒煎

走筆還詩債抽衣當藥錢支分閒事了把背向陽眠

自問此心呈諸老伴

朝問此心何所思暮問此心何所為不入公門慵歛
手不看人面免低眉居士室間眠得所少年場上飲
非宜閒談疊疊留諸老美醞徐徐進一卮心未曾求
過分事身常少有不安時此心除自謀身外更問其
餘盡不知

六年立春日人日作

二日立春人七日盤蔬餅餌逐時新年方吉鄭猶為
少家比劉韓未是貧鄉園節歲應堪重親故歡遊莫
厭頻試作循潮封眼想何由得見洛陽春分司致仕
官中吉傳

鄭謠謔寂老韓庶子劉貞外尤貧
循潮封三都遷客皆洛下舊遊也

齋居偶作

童子裝爐火行添一炷香老翁持麈尾坐拂半張牀
卷縵看天色移齋近日陽甘鮮新餅果穩暖舊衣裳
止足安生理優閒樂性場是非一以遣動靜百無妨
豈有物相累兼無情可忘不須憂老病心是自醫王

詠身

自中風來三歷閏病風八年三閏矣從懸車後幾逢春周南
留滯稱遺老見太史公傳漢上羸殘號半人見習鑿齒傳薄有
文章傳子弟斷無書札答交親餘年自問將何用恐
是人間賸長身

予與山南王僕射淮南李僕射事歷五朝踰

三紀海內年輩今唯三人榮路雖殊交情

不替聊題長句寄舉之公垂二相公

故交海內只三人二坐巖廊一卧雲老愛詩書似
我榮兼將相不如君百年膠漆初心在萬里煙霄中
路分阿閣鸞鳳野田鶴何人信道舊同群

讀道德經

玄元皇帝著遺文烏角先生仰後塵金玉滿堂非已
物子孫委蛻是他人世間盡不關吾事天下無親於
我身只有一身宜愛護少教冰炭逼心神

禽蟲十二章

并序

莊列寓言風騷比興多假蟲鳥以爲筌蹄故詩義始
於關雎鵲巢道說先乎鯤鵬蜩鷃之類是也予閒居
乘興偶作一十二章頗類志怪放言每章可致一哂

一晒之外亦有以自警其衰老封執之惑焉頃如此
作多與故人微之夢得共之微之夢得嘗云此乃九
奏中新聲八珎中異味也有旨哉有旨哉今則獨吟
想二君在目能無恨乎

第一

鷺違戊巳鵲避歲茲事因何羽族知疑有鳳凰頽鳥
曆一時一日不參差

不知其然也鷺銜泥常避戊巳
日鵲巢口常避太歲驗之皆信

第二

水中科斗長成蛙林下桑蟲老作蛾蛙跳蛾舞仰頭
笑焉用鷓鴣鱗羽多

齊物也

第三

江魚群從稱妻妾塞鴈聯行號弟兄但恐世間真眷

屬親疎亦是強為名

故名也江沱間有魚每游輒三如騰隨妻一先二後土人號為

婢妾魚禮云
鴈兄弟行

第四

蠶老繭成不庇身蜂飢蜜熟屬他人
須知年老憂家

者恐是二蟲虛苦辛

自警也

第五

阿閣鸚鵡田舍烏妍蚩貴賤兩懸殊
如何閉向深籠

裏一種摧頽觸四隅

有所感也

第六

獸中去聲刀鎗多怒吼鳥遭羅弋盡哀鳴
羔羊口在緣

何事聞死都門無一聲

有所悲也

第七

螭螟殺敵蚊巢上蠻觸交爭蝸角中應似諸天觀下
界一微塵內闔英雄自照也

第八

蠓蛸網上罨蜂虿反覆相持死始休何異浮生臨老
日一彈指頃報恩讎誠報也

第九

蟻王化飯為臣妾螺母偷蟲作子孫彼此假名非本
物其間何怨復何恩

第十

豆苗鹿嚼解烏毒艾葉雀銜奪鷺巢鳥獸不曾看本
草諳知藥性是誰教當獵者說云鹿若中箭發即嚼豆葉食之多消解箭毒多用烏頭故云烏毒又鷺惡艾雀欲奪其巢先銜一艾致其窠輒遊去因而有之

第十一

一鼠得仙生羽翼衆鼠相看有美色豈知飛上未半空已作烏鳶口中食

第十二

鳶乳養鷓遺在水魚心想子變成鱗細微幽隱何窮事知者唯應是聖人鳶放乳水中不能離群鷓從而食之皆飽而之又如魚想子

子成魚並是佛經中說

白氏文集卷第三十七

一微塵內闢英雄
一尺交渠卷海
日一彈指頃
始休何異浮生
幽老

第八

白刃交渠卷海
日一彈指頃
始休何異浮生
幽老

中獨
千如魚並

華強倍
中不


鸞屏養
變如

第十

空口
雀雀

一鼠野
鼠鼠

漢十一











Blue Cyan Green Yellow Red Magenta White 3/Color Black
© The Tiffen Company, 2007
Tiffen Color Control Patches
Centimetres
Inches

上海圖書館藏

